

**Қазақстан Республикасы Президентінің "Еуразиялық экономикалық қоғамдастық заңнамасы негіздерінің мәртебесі және оларды әзірлеу тәртібі туралы шартқа қол қою туралы" Жарлығының жобасы туралы**

Қазақстан Республикасы Үкіметінің 2004 жылғы 18 маусымдағы N 670 қаулысы

Қазақстан Республикасының Үкіметі қаулы етеді:

Қазақстан Республикасы Президентінің "Еуразиялық экономикалық қоғамдастық заңнамасы негіздерінің мәртебесі және оларды әзірлеу тәртібі туралы шартқа қол қою туралы" Жарлығының жобасы Қазақстан Республикасы Президентінің қарауына енгізілсін.

*Қ а з а қ с т а н            Р е с п у б л и к а с ы н ы ң*

*Премьер-Министрі*

**Қазақстан Республикасы Президентінің Жарлығы Еуразиялық экономикалық қоғамдастық заңнамасы негіздерінің мәртебесі және оларды әзірлеу тәртібі туралы шартқа қол қою туралы**

*Қ а у л ы            е т е м і н :*

1. Еуразиялық экономикалық қоғамдастық заңнамасы негіздерінің мәртебесі және оларды әзірлеу тәртібі туралы шарттың жобасы мақұлдансын.
2. Еуразиялық экономикалық қоғамдастық заңнамасы негіздерінің мәртебесі және оларды әзірлеу тәртібі туралы шартқа қол қойылсын.
3. Осы Жарлық қол қойылған күнінен бастап күшіне енеді.

*Қ а з а қ с т а н            Р е с п у б л и к а с ы н ы ң*

*Президенті*

Жоба

**Еуразиялық экономикалық қоғамдастық заңнамасы негіздерінің мәртебесі және оларды әзірлеу тәртібі туралы**

**ШАРТ**

Бұдан әрі Тараптар деп аталатын Еуразиялық экономикалық қоғамдастыққа мүше мемлекеттер ,

2000 жылғы 10 қазандағы Еуразиялық экономикалық қауымдастық құру туралы шартты және 1999 жылғы 26 қазандағы Кеден одағы және Біртұтас экономикалық кеңістікті қалыптастыруды кұқықтық қамтамасыз ету туралы келісімді басшылыққа ала отырып ,

Еуразиялық экономикалық қауымдастық (бұдан әрі - ЕурАзЭҚ) шеңберінде тиімді интеграциялық өзара іс-қимылды қамтамасыз ететін келісілген құқықтық саясатты жүргізуге ұ м т ы л а отырып,

ЕурАзЭҚ шеңберіндегі құқық қатынастарын реттеудің біріздендірілген тәртібін әзірлеу қажеттілігін мойындай отырып, мына төмендегілер туралы уағдаласты:

## **1-бап**

### **Реттеудің мән-жайы**

Осы Шартпен Тараптар Еуразиялық экономикалық қоғамдастық заңнамасы негіздерінің (бұдан әрі - ЕурАзЭҚ) мәртебесін айқындайды, оларды әзірлеудің, қараудың, қабылдаудың, өзгертудің, олардың қолданылуын тоқтата тұрудың және тоқтатудың біріздендірілген тәртібін белгілейді.

ЕурАзЭҚ заңнамасының негіздері деп Тараптар үшін бірыңғай құқықтық қатынастардың базалық салаларындағы құқықтық реттеу нормаларын белгілейтін және Тараптар жасасу жолымен қабылданатын ЕурАзЭҚ-тың құқықтық кесімдері (бұдан әрі - ЕурАзЭҚ) заңнамасы негіздерін қабылдау туралы келісім) ұғынылады.

## **2-бап**

### **ЕурАзЭҚ заңнамасы негіздерін әзірлеу қағидаттары**

ЕурАзЭҚ заңнамасы негіздерін әзірлеу кезінде мынадай қағидаттар сақталуға тиіс:

а) ЕурАзЭҚ заңнамасы негіздерінің халықаралық құқықтың жалпыға бірдей нормалары мен қағидаттарына сәйкестігі;

б) ЕурАзЭҚ заңнамасы негіздерін қолданудың құқықтық, әлеуметтік-экономикалық және өзге де салдарларын жан-жақты пысықтау.

## **3-бап**

### **ЕурАзЭҚ заңнамасы негіздерін әзірлеу, қарау, қабылдау, өзгерту, олардың қолданылуын тоқтата тұру және тоқтату**

ЕурАзЭҚ заңнамасы негіздерін әзірлеу, қарау, қабылдау, өзгерту, олардың қолданылуын тоқтата тұру және тоқтату қоса беріліп отырған осы Шарттың ажырамас бөлігі болып табылатын ЕурАзЭҚ заңнамасы негіздерін әзірлеу, қарау, қабылдау, өзгерту, олардың қолданылуын тоқтата тұру және тоқтату тәртібіне сәйкес жүзеге асырылады.

#### **4-бап**

### **ЕурАзЭҚ заңнамасы негіздерін қабылдау туралы келісімдердің күшіне ену тәртібі**

ЕурАзЭҚ заңнамасы негіздерін қабылдау туралы келісім Тараптардың олардың күшіне енуі үшін қажетті мемлекетішілік рәсімдерді орындауы туралы соңғы жазбаша хабарламаны депозитарийге тапсырған күннен бастап күшіне енеді.

#### **5-бап**

### **ЕурАзЭҚ заңнамасы негіздерінің құқықтық қолданылуын бақылау**

Тараптардың мемлекеттік органдары өз құзыреті шегінде олардың ЕурАзЭҚ заңнамасы негіздеріне сәйкестігін тексеру мақсатында заңнамалық және өзге де нормативтік құқықтық кесімдер жобаларына құқықтық сараптама жүргізу және Тараптардың парламенттері мен үкіметтеріне тиісті ақпарат ұсыну жолымен ЕурАзЭҚ заңнамасы негіздерінің құқықтық қолданылуын бақылауды жүзеге асырады.

ЕурАзЭҚ Интеграциялық Комитетінің Хатшылығы, ЕурАзЭҚ Мемлекетаралық Кеңесін, ЕурАзЭҚ Парламентаралық Ассамблеясын және ЕурАзЭҚ Интеграциялық Комитетін ЕурАзЭҚ заңнамасы негіздерінің құқықтық қолданылуы туралы хабардар етеді.

#### **6-бап**

### **Ақпарат алмасу**

Тараптар ұлттық ақпараттық ресурстарды пайдалана отырып, ЕурАзЭҚ Интеграциялық Комитетінің Хатшылығы мен ЕурАзЭҚ Парламентаралық Ассамблея Бюросының Хатшылығы арқылы ЕурАзЭҚ заңнамасы негіздерінің құқықтық қолданылуы туралы ақпарат алмасуды жүзеге асырады.

#### **7-бап**

### **Күшіне енуі**

Осы Шарт соңғы бекіту грамотасын депозитарийге тапсырған күннен бастап бекітілуге жатады және күшіне енеді.

#### **8-бап**

### **Қосылу**

Осы Шарт ЕурАзЭҚ-қа енген кез келген мемлекеттің оған қосылуы үшін ашық. Осы Шартқа қосылу туралы құжат депозитарийге сақтауға тапсырылады.

Қосылған мемлекеттер үшін осы Шарт қосылу туралы құжатты депозитарийге тапсырған күннен бастап күшіне енеді.

## **9-бап**

### **Басқа халықаралық шарттармен ара қатынасы**

Осы Шарт қатысушылары болып табылатын басқа да халықаралық шарттардан туындайтын Тараптардың құқықтары мен міндеттемелерін қозғамайды.

## **10-бап**

### **Өзгерістер енгізу**

Осы Шартқа өзгерістер Тараптардың өзара келісімі бойынша енгізіледі және осы Шарттың ажырамас бөліктері болып табылатын хаттамалармен ресімделеді және осы Шарттың 7-бабында көзделген тәртіппен күшіне енеді.

## **11-бап**

### **Дауларды шешу**

Осы Шартты түсіндіру және орындау кезінде Тараптар арасында даулар туындаған жағдайда, олар Тараптар арасындағы келіссөздер немесе консультациялар жолымен шешілетін болады.

## **12-бап**

### **Қолданылу мерзімі**

Осы Шарт белгіленбеген мерзімге жасалады. Тараптардың әрқайсысының ЕурАзЭҚ шеңберінде өзінің міндеттемелерін алдын ала реттей отырып, бұл туралы депозитарийге кемінде он екі ай бұрын жазбаша хабарлау жолымен осы Шарттан шығуға құқығы бар.

" \_\_\_\_ " \_\_\_\_\_ 200 \_\_\_\_ жылғы \_\_\_\_\_ қаласында орыс тілінде бір түпнұсқалық  
д а н а д а \_\_\_\_\_ ж а с а л д ы .

Түпнұсқалық данасы Тараптардың әрқайсысына оның расталған көшірмесін жіберетін ЕурАзЭҚ-тың Интеграциялық Комитетінде сақталады.

*Беларусь Республикасы үшін*

*Қазақстан Республикасы үшін*

*Қырғыз Республикасы үшін*

*Ресей Федерациясы үшін*

*Тәжікстан Республикасы үшін*

Жоба

2000 жылғы \_\_\_\_\_  
Еуразиялық экономикалық қауымдастық  
заңнамасы негіздерінің мәртебесі және  
оларды әзірлеу тәртібі туралы шартқа  
қосымша

## **ЕурАзЭҚ заңнамасы негіздерін әзірлеу, қарау, қабылдау, өзгерту, олардың қолданылуын тоқтата тұру және тоқтату ТӘРТІБІ**

### **I. Жалпы ережелер**

1. Осы Тәртіп ЕурАзЭҚ заңнамасы негіздерін әзірледі, қарауды, қабылдауды, өзгертуді, олардың қолданылуын тоқтата тұруды және тоқтатуды ұйымдастыру жүйесін белгілейді.

2. ЕурАзЭҚ заңнамасы негіздерін әзірлеу, қарау және қабылдау мынадай тәртіппен жүзеге асырылады:

ЕурАзЭҚ заңнамасы негіздерінің жобаларын әзірлеу жөніндегі дайындық ұйымдастыру-құқықтық іс-шараларын жүргізу;

жұмыс топтарының ЕурАзЭҚ заңнамасы негіздерінің жобаларын әзірлеу;

ЕурАзЭҚ заңнамасы негіздерінің жобаларын Тараптар үкіметтерінің қарауы;

ЕурАзЭҚ заңнамасы негіздерінің жобаларын ЕурАзЭҚ Парламентаралық Ассамблеясының қарауы;

ЕурАзЭҚ заңнамасы негіздерінің жобаларын ЕурАзЭҚ Интеграциялық Комитетінің қарауы;

ЕурАзЭҚ заңнамасы негіздерінің жобаларын мемлекет басшыларының деңгейінде ЕурАзЭҚ Мемлекетаралық Кеңесінің қарауы және оларды қабылдауы.

3. ЕурАзЭҚ заңнамасы негіздерін өзгерту, олардың қолданылуын тоқтата тұру және тоқтату оларды әзірлеуге, қарауға және қабылдауға арналған осы Тәртіпте көзделген рәсімдерге сәйкес жүзеге асырылады.

### **II. ЕурАзЭҚ заңнамасы негіздерінің жобаларын әзірлеу жөніндегі дайындық ұйымдастыру-құқықтық іс-шаралары**

4. ЕурАзЭҚ заңнамасы негіздерінің жобаларын әзірлеу жөніндегі дайындық ұйымдастыру-құқықтық іс-шаралары:

а) ЕурАзЭҚ интеграциялық процестерді дамыту нәтижелерін талдауды және қорытындылауды, құқықтық регламенттеу қажеттілігін анықтауды, тиісті құқық қатынастары салаларындағы құқықтық реттеу тетігін оңтайландыру және біріздендіру

жөніндегі ұсыныстарды дайындауды;

б) ЕурАзЭҚ-тың Интеграциялық Комитеті жанындағы кеңестер мен комиссиялардың, сондай-ақ ЕурАзЭҚ заңнамасы негіздерін әзірлеу жөніндегі ЕурАзЭҚ Парламентаралық Ассамблеяның тұрақты комиссияларының заң жобалау ұсыныстарын қарауды;

в) Тараптардың ұлттық нормативтік құқықтық кесімдерін салыстырмалы-құқықтық талдауды, құқық қолдану практикасын талдауды;

г) Тараптардың заң шығару қызметінің жоспарларын зерделеуді;

д) ЕурАзЭҚ шеңберінде жасалған халықаралық шарттар бойынша міндеттемелердің және ЕурАзЭҚ органдары шешімдері орындалуын талдауды;

е) ЕурАзЭҚ Мемлекетаралық Кеңесінің тапсырмаларына ЕурАзЭҚ Парламентаралық ассамблеясы мен ЕурАзЭҚ Интеграциялық Комитетінің ұсынымдарына сәйкес өткізілген басқа да іс-шараларды қамтиды.

5. Осы Тәртіптің 4-тармағында көрсетілген іс-шараларды өз құзыреті шегінде ЕурАзЭҚ Парламентаралық Ассамблеясының тұрақты комиссиялары, ЕурАзЭҚ Парламентаралық Ассамблеясы Бюросының Хатшылығы, ЕурАзЭҚ Интеграциялық Комитетінің Хатшылығы, ЕурАзЭҚ-тың қосалқы органдары, сондай-ақ ЕурАзЭҚ-тың Интеграциялық Комитеті жанындағы кеңестер мен комиссиялар жүзеге асырады.

6. Іс-шараларды өткізу нәтижелері бойынша ЕурАзЭҚ Парламентаралық Ассамблеясы Бюросының Хатшылығы ЕурАзЭҚ заңнамасы негіздерінің жобаларын және ЕурАзЭҚ заңнамасы негіздерін қабылдау туралы келісімді әзірлеу жөнінде ұсыныстар жасайды.

7. ЕурАзЭҚ заңнамасы негіздерінің жобасын әзірлеу жөніндегі ұсыныстар құқық қатынастарының тиісті саласында өзіне ЕурАзЭҚ заңнамасы негіздерін әзірлеу қажеттілігі негіздемесін де қамтиды.

8. ЕурАзЭҚ заңнамасы негіздерінің жобаларын әзірлеу жөніндегі ұсыныстар Тараптардың үкіметтерімен келісілуге тиіс, содан кейін ЕурАзЭҚ Парламентаралық Ассамблеясының қарауына енгізіледі және ЕурАзЭҚ Парламентаралық Ассамблеясының заң шығару қызметі бағдарламасына енгізіледі.

### **Ш. ЕурАзЭҚ заңнамасы негіздерінің жобаларын әзірлеу жөніндегі жұмыс топтарының ЕурАзЭҚ заңнамасы негіздерінің жобаларын әзірлеуі**

9. ЕурАзЭҚ заңнамасы негіздерінің жобаларын әзірлеуді ЕурАзЭҚ Парламентаралық Ассамблеясының заң шығару қызметінің бағдарламасына сәйкес ЕурАзЭҚ заңнамасы негіздерінің жобаларын әзірлеу жөніндегі жұмыс топтары (бұдан әрі - жұмыс топтары) жүзеге асырады.

10. Жұмыс топтарының құрамын Тараптардың және ЕурАзЭҚ Парламентаралық Ассамблеясының ұсыныстарын ескере отырып, ЕурАзЭҚ-тың Интеграциялық

Комитеті қалыптастырады.

11. Жұмыс топтарының құрамына:

а) ЕурАзЭҚ-тың Парламентаралық Ассамблеясы тұрақты комиссияларының мүшелері;

б) ЕурАзЭҚ-тың Интеграциялық Комитеті жанындағы кеңестер мен комиссиялардың мүшелері;

в) ЕурАзЭҚ Парламентаралық Ассамблеясының жанындағы ғылыми-сараптама кеңесінің мүшелері;

г) ЕурАзЭҚ Парламентаралық Ассамблеясының Бюросы Хатшылығының және ЕурАзЭҚ-тың Интеграциялық Комитеті Хатшылығының қызметкерлері;

д) Тараптар мемлекеттік органдарының қызметкерлері;

е) қызмет заң шығару құқық қолдану және ғылыми-зерттеу қызметімен байланысты ғылыми және басқа да ұйымдардың қызметкерлері кіре алады.

12. Жұмыс топтарының басшылары және олардың орынбасарлары жұмыс топтары мүшелерінің ішінен сайланады.

13. Жұмыс топтарының қызметін ақпараттық, құқықтық, материалдық-техникалық және ұйымдық қамтамасыз етуді ЕурАзЭҚ-тың Парламентаралық Ассамблеясы Бюросының Хатшылығы жүзеге асырады.

14. ЕурАзЭҚ заңнамасы негіздерінің жобаларын әзірлеуді қаржыландыру ЕурАзЭҚ бюджетінде ЕурАзЭҚ Интеграциялық Комитетінің Хатшылығы мен ЕурАзЭҚ Парламентаралық Ассамблеясының Бюросы Хатшылығының қызметін қамтамасыз етуге көзделген қаражат шегінде жүзеге асырылады.

#### **IV. ЕурАзЭҚ заңнамасы негіздерінің жобаларын қарау**

15. Жұмыс топтары әзірлеген ЕурАзЭҚ заңнамасы негіздерінің жобаларын ЕурАзЭҚ-тың Парламентаралық Ассамблеясы Бюросының Хатшылығы ЕурАзЭҚ Интеграциялық Комитетінің Хатшылығы арқылы Тараптардың үкіметтеріне жібереді.

16. Тараптардың үкіметтері ЕурАзЭҚ заңнамасы негіздерінің жобалары жөніндегі қорытындыларды ЕурАзЭҚ Интеграциялық Комитетінің Хатшылығы арқылы ЕурАзЭҚ-тың Парламентаралық Ассамблеясы Бюросының Хатшылығына жібереді.

#### **V. ЕурАзЭҚ заңнамасы негіздерінің жобаларын ЕурАзЭҚ Парламентаралық Ассамблеясының қарауы**

17. ЕурАзЭҚ заңнамасы негіздерінің жобаларын ЕурАзЭҚ Парламентаралық Ассамблеясының Регламентінде белгіленген тәртіппен ЕурАзЭҚ Парламентаралық Ассамблеясы қарайды.

18. ЕурАзЭҚ Парламентаралық Ассамблеясы ЕурАзЭҚ Заңнамасы негіздерінің әрбір жобасына қатысты мынадай шешімдердің бірін қабылдайды:

- а) мақұлдау және оны ЕурАзЭҚ Интеграциялық Комитетінің қарауына жіберу;
- б) ЕурАзЭҚ заңнамасы негіздерінің жобасын жұмыс тобына пысықтауға жіберу.

## **VI. ЕурАзЭҚ заңнамасы негіздерінің жобаларын ЕурАзЭҚ Интеграциялық Комитетінің қарауы**

19. ЕурАзЭҚ заңнамасы негіздерінің жобаларын ЕурАзЭҚ-тың Интеграциялық Комитеті рәсімдерінің ережелерінде белгіленген тәртіппен ЕурАзЭҚ-тың Интеграциялық Комитеті қарайды.

20. ЕурАзЭҚ-тың Интеграциялық Комитеті ЕурАзЭҚ заңнамасы негіздерінің әрбір жобасына қатысты мынадай шешімдердің бірін қабылдайды:

- а) ЕурАзЭҚ заңнамасы негіздерінің жобасын мақұлдау және оны мемлекет басшыларының деңгейінде ЕурАзЭҚ Мемлекетаралық Кеңесінің қарауына енгізу;
- б) ЕурАзЭҚ заңнамасы негіздерінің жобасын ЕурАзЭҚ Парламентаралық Ассамблеясына пысықтауға жіберу.

## **VII. ЕурАзЭҚ заңнамасы негіздерінің жобаларын мемлекет басшыларының деңгейінде ЕурАзЭҚ Мемлекетаралық Кеңесінің қарауы және оларды қабылдауы**

21. ЕурАзЭҚ заңнамасы негіздерінің жобаларын мемлекет басшыларының деңгейінде ЕурАзЭҚ-тың Мемлекетаралық Кеңесі рәсімдерінің Ережелерінде белгіленген тәртіппен ЕурАзЭҚ Мемлекетаралық Кеңесі қарайды.

22. ЕурАзЭҚ заңнамасы негіздерінің әрбір жобасын қараудың нәтижелері бойынша ЕурАзЭҚ Мемлекетаралық Кеңесі мемлекет басшыларының деңгейінде мынадай шешімдердің бірін қабылдайды:

- а) Тараптарға ЕурАзЭҚ заңнамасы негіздерін қабылдау туралы келісімге қол қояды ұ с ы н у ;
- б) ЕурАзЭҚ заңнамасы негіздерінің жобасын ЕурАзЭҚ-тың Интеграциялық Комитетіне пысықтауға жіберу.